



Broj: 03-04-02-3045/23
Sarajevo, 09.02.2023. godine

SKUPŠTINA KANTONA SARAJEVO
gosp. Elvedin Okerić, predsjedavajući Skupštine Kantona Sarajevo

PREDMET: Odgovor na zastupničko pitanje zastupnice Jelene Pekić, dostavlja se –

VEZA: Vaš akt, broj: 01-04-2435-15/23 od 27.01.2023. godine

Zastupnica Jelena Pekić na Trećoj radnoj sjednici Skupštine Kantona Sarajevo, održanoj dana 27.01.2023. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo, postavila je zastupničko pitanje kako slijedi:

Zašto nije predložen Zakon o lokalnoj samoupravi Kantona Sarajevo u skladu sa Zakonom o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", broj 49/06 i 51/09) i Programom rada Vlade Kantona Sarajevo za period 01.01. do 31.12.2022. godine?

Navedenom Zakonu treba da prethodi i izrada novih Amandmana na Ustav Kantona Sarajevo jer je implementacija Amandmanima na Ustav Kantona Sarajevo XLIII - LIII iz 2017. godine u praksi predstavljala problem i veliki izazov, naročito Gradu Sarajevo i općinama koje čine Grad Sarajevo.

Za postavljanje ovog pitanja me je inspirisala sjednica Gradskog vijeća Grada Sarajeva održana ove sedmice (u srijedu 25.01.), a gdje je usvojen novi Statut Grada Sarajeva nakon 15 godina, što je zaista pohvalno za trenutno rukovodstvo Grada Sarajeva.

S tim u vezi, Ministarstvo pravde i uprave dostavlja sljedeći odgovor:

Amandmanima na Ustav Kantona Sarajevo XLIII – LIII iz 2017. godine regulisane su nadležnosti jedinica lokalne samouprave u Kantonu Sarajevo.

Međutim, implementacija ovih amandmana u praksi je predstavljala problem i izazov, naročito Gradu Sarajevo i općinama koje čine Grad Sarajevo, zbog čega su amandmanske izmjene Ustava Kantona Sarajevo pretpostavka za donošenje Zakona o lokalnoj samoupravi u Kantonu Sarajevo.

Programom rada za 2022. godinu, kao rok za izradu Amandmana na Ustav Kantona Sarajevo planiran je mjesec septembar (nacrt), odnosno mjesec oktobar (prijedlog) 2022. godine, dok je

navedenim programom rada utvrđeno donošenje Zakona o lokalnoj samoupravi nakon usvajanja Amandmana na Ustav Kantona Sarajevo.

Ministarstvo pravde i uprave je i u 2022. godini nastavilo aktivnosti u vezi sa izradom Nacrta, odnosno Prijedloga Amandmana na Ustav Kantona Sarajevo i Nacrta, odnosno Prijedloga Zakona o lokalnoj samoupravi, te je u mjesecu septembru 2022. godine, aktom broj 03-04-02-34288/22 od 06.09.2022. godine, svim jedinicama lokalne samouprave na području Kantona Sarajevo poslan zahtjev za dostavu imena članova radne grupe, nakon čega je ovo ministarstvo pripremlilo prijedlog Rješenja o imenovanju radne grupe za izradu Amandmana na Ustav Kantona Sarajevo i Nacrta Zakona o lokalnoj samoupravi, koju pored predstavnika jedinica lokalne samouprave čini i predstavnik Ministarstva pravde i uprave Kantona Sarajevo, a čiji je zadatak izrada teksta prijedloga Amandmana i teksta Nacrta zakona.

Zaključkom Vlade Kantona Sarajevo, broj 02-04-42154-15/22 od 13.10.2022. godine, Ministarstvu pravde i uprave vraćen je materijal na ispravku i ponovnu izradu, kako bi rješenjem o imenovanju radne grupe, pored predstavnika jedinica lokalne samouprave i predstavnika Ministarstva pravde i uprave Kantona Sarajevo, bili obuhvaćeni i predstavnici ostalih ministarstava.

Aktom Ministarstva pravde i uprave Kantona Sarajevo, broj 03-04-02-34288-1/22 od 26.10.2022. godine poslan je zahtjev ministarstvima za dostavu imena članova radne grupe, nakon čega je ponovo pripremljen prijedlog rješenja i dostavljen Vladi na razmatranje i usvajanje.

Rješenjem Vlade Kantona Sarajevo, broj: 02-04-47632-23/22 od 24.11.2022. godine imenovana je radna grupa za izradu Amandmana na Ustav Kantona Sarajevo i Nacrta Zakona o lokalnoj samoupravi, koju čine predstavnici jedinica lokalne samouprave na području Kantona Sarajevo, predstavnici ministarstava i Stručne službe Vlade Kantona Sarajevo.

Navedenim rješenjem utvrđen je 24.02.2023. godine kao rok za pripremu teksta Amandmana na Ustav i teksta Nacrta zakona.

Sastanci radne grupe održavaju se na sedmičnom nivou, te je u toku dosadašnjih aktivnosti održano sedam sastanaka, dok se u periodu između radnih sastanaka, shodno zaključcima, obavljaju aktivnosti usmjerene ka definisanju rješenja, te kontinuirana komunikacija, s ciljem kvalitetnog izvršenja zadataka radne grupe.

S poštovanjem,

Dostaviti:

1. Naslovu;
2. Stručna služba Vlade Kantona Sarajevo - na znanje;
3. a/a.


[Redacted]
Darja Sofić Kadenić



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-083, Fax: + 387 (0) 33 562-241
Web: <http://mpu.ks.gov.ba>, E-mail: mpu@mpu.ks.gov.ba

2/2